

theatralibus etiam Metropolitanis post Pontificales majores existunt, & quæ ex Apostolica Sedis indulgentia, vel ordinaria auctoritate, aut consuetudine præscripta, vel aliis quovis modo in Collegiatis Ecclesiis principalem præminentiam habere noscuntur, sub reservatione prædicta comprehendendi debere.

*Reservatio beneficiorum Collectorum,
& Subcollectorum.*

5. Item reservavit generaliter omnia, & singula beneficia Ecclesiastica quorumcumque Collectorum, & unicum in quacumque civitate, vel diocesi, qui suo tempore officia exercuerint; Subcollectorum fructuum, & proventuum Camera Apostolica debitorum, illa videlicet beneficia dumtaxat, quæ durante eorum officio obtinebant, & quibus, seu ad quæ jus eis compete bat.

*Reservatio beneficiorum Curialium, dum
Curia transfertur.*

6. Item reservavit omnia, & singula beneficia Ecclesiastica quorumcumque Curialium, quos dum Curia Romana de loco ad locum transfertur, eam sequendo, decedere contigerit in quovis loco quantumcumque etiam a dicta Curia remoto.

*Reservatio beneficiorum Cubiculariorum,
& Curiorum.*

7. Item reservavit generaliter idem D. N. Papa dispositioni suæ omnia beneficia Cubiculariorum, etiam Honoris nuncupatorum, ac Curiorum suorum. Declarans, in Prædecessorum suorum Romanorum Pontificum Constitutionibus, & regulis reservatoriis beneficiorum Cubiculariorum, etiam Cubicularios Honoris nuncupatos etiam a die earum editionis, & publicatio nis intelligi, & comprehendendi, & comprehensos fuisse, & esse. Irritumque, &c. attentari decernens.

*Reservatio Beneficiorum Ecclesiarum S. Jo:
Lateranen., & S. Petri, ac B. Mariæ
Majoris de Urbe, & beneficiorum
suisurorum Cardinalium a Curia
absentium.*

8. Item reservavit dispositioni suæ generaliter quoscumque canonicatus, & præbendas, ac dignitates, personatus, & officia in S. Joannis Lateranen., & Principis Apostolorum, ac B. Mariæ Majoris de Urbe Ecclesiis, necnon ad collationem, provisionem, & præsentationem, seu quamvis aliam dispositionem S. R. E. Cardinalium a Romana Curia absentium ratione suorum Episcopatum, Cardinalatus, ac ipsorum Cardinalium titularum, & Diaconiarum spectantia, quandiu absentia sua duraverit, canonicatus, & præbendas, dignitates, personatus, administrationes, & officia, cate- raque beneficia Ecclesiastica cum cura, &

sine cura vacantia, & in antea vacatura, tam in eadem Urbe, quam in Ecclesiis, Civitatibus, & Diocesisbus dictorum Episcopatum consistentia. Ac decrevit irritum &c.

*Reservatio mensum Apostolicorum,
& Alternativa pro Episcopis
residentium.*

9. Item cupiens idem D. N. Papa pauperibus clericis, & aliis benemeritis personis providere, omnia beneficia Ecclesiastica cum cura, & sine cura, secularia, & quorumvis Ordinum regularia, qualitercumque qualificata, & ubicumque existentia, in singulis Januarii, Februarii, Aprilis, Maii, Julii, Augusti, Octobris, & Novembris mensibus, usque ad suæ voluntatis beneplacitum, extra Romanam Curiam, aliis quam per resignationem quocumque modo vacatura, ad collationem, provisionem, præsentationem, electionem, & quamvis aliam dispositionem quorumcumque collatorum, & collatricum, secularium, & quorumvis Ordinum regularium, non tamen Sanctæ Romanæ Ecclesiæ Cardinalium, aut aliorum sub Concordatis inter Sedem Apostolicam, & quoscumque alios initis, & per eos, qui illa acceptare, & observare debuerant, acceptatis, & observatis, quæ ledere non intendit, comprehensorum quomodolibet pertinentia dispositioni suæ generaliter reservavit. Volens in supplicationibus, seu concessionibus gratiarum, quæ de dictis beneficiis tunc vacantibus, etiam Motu proprio sicut de mense, in quo vacaverint, dispositive mentionem fieri, alioquin gratias nullas esse. Ac consuetudines etiam immemorabiles optandi majores, & pinguioribus præbendas, necnon privilegia, etiam in limine erectionis concessa, & indulta Apostolica circa ea, ac etiam disponendi de hujusmodi beneficiis, aut quod illa sub hujusmodi reservationibus nunquam comprehendantur, etiam cum quibusvis derogatoriis derogatoriis, & fortioribus, efficacioribus, & insolitis clausulis, necnon irritantibus, & aliis decretis, quorum personis, & Collegiis cujuscumque dignitatis, status, gradus, ordinis, & conditionis existentibus, quomodolibet concessa, adversus reservationem hujusmodi minime suffragari. Insuper Sanctitas Sua ad gratificandum Patriarchis, Archiepiscopis, & Episcopis intenta, ipsi quamdiu apud Ecclesias, aut dioceses suas vere, ac personaliter resederint dumtaxat, de omnibus, & quibuscumque beneficiis Ecclesiasticis, cum cura, & sine cura, secularibus, & regularibus (ad liberam ipsorum dumtaxat, non autem aliorum cum eis dispositionem, seu præsentationem, vel electionem, nec etiam cum consilio, vel consensu, seu interventu Capitulorum, vel aliorum, aut aliis pertinentibus) quæ in antea in mensibus Februarii, Aprilis, Junii, Augusti, Octobris, & Decembris, extra Curiam ipsam vacare contigerit (dummodo aliis dispositioni Apostolicæ reservata, vel affecta non fuerint) libere disponendi facultatem concessit. Ac etiam voluit, ut si ipsi in collatione, aut alia dispositione beneficiorum in aliis sex mensibus, videlicet Januarii, Martii, Maii, Julii, Septembris, & Novembris, vacaturorum (quæ etiam dispositioni suæ, ut præfertur, reservavit,) seu etiam aliorum dispositioni suæ, & dictæ Sedi aliis quomodolibet reservatorum, vel affectatorum, sese intromiserint, aut quominus provisiones, & gratiæ Sanctitatis Sæ de illis debitum effectum consequantur, impedimentum quoquo modo præsterint, usu, & beneficio prædictæ facultatis eo ipso privati existant, ac collationes, & alia dispositiones de beneficiis, illius prætextu deinceps faciendæ, nullius sint roboris, vel momenti. Illi vero, qui gratiam alternativam prædictam acceptare voluerint, acceptationem hujusmodi per patentes literas manu propria subscriptas, suoque sigillo munitas, & in sua quisque Civitate, vel diocesi datas, declarare, & literas ipsas huc ad Datarium Sanctitatis Sæ transmittere teneantur, quibus ab eo receptis, & recognitis, tunc demum, & non antea uti incipiant gratia supradicta. Decernens, sic in præmissis omnibus per quoscumque, &c. judicari debere, ac irritum, &c.

De literis in forma Rationi congruit expediendis.

10. Item voluit idem D. N. Papa, quod concessa per felic. rec. Paulum V., & Gregor. XV. Prædecessores suos, & de eorum mandato, expediantur in forma rationi congruit, a die Assumptionis suæ ad summi Apostolatus apicem. Et idem quoad concessa per pie mem. Leonem XI. etiam Prædecessorem suum, ad sex menses dumtaxat, ab ipso die Assumptionis incipiendos observari voluit.

*De literis in forma Rationi congruit
expediendis.*

11. Item declaravit, omnium, & singularum Ecclesiarum Cathedralium, & Monasteriorum provisiones, quas prædicti Prædecessores sui, ordinationi, & dispositioni eorum, necnon omnia, & singula beneficia Ecclesiastica, quæ dicti Prædecessores etiam prædicta dispositioni, cum interpositione decreti reservaverant, (quæ quidem Ecclesiæ, Monasteria, necnon sic reservata beneficia, tempore obitus eorumdem Prædecessorum vacabant, aut Ecclesiæ ipsæ, vel Monasteria hujusmodi, si commendata, vel ei administratores deputati non fuissent, etiam tunc vacassent) remansisse, & remanere per hujusmodi reservationem, & decretum, affecta, nullamque de illis, præter Romanum Pontificem, ex vice se intromittere, vel disponere potuisse, sive posse quoquomodo. Decernens irritum, & inane, si secus super illis attentatum forsitan erat tunc, vel imposterum contingeret attentari.

*De literis in forma Rationi congruit
expediendis.*

12. Item prædictus D. N. omnes, & singulas, ab ipsis Paulo V., & Gregorio XV. Rom. Pontif. Prædecessoribus suis infra annum ante diem obitus eorum concessas gratiæ, vel iustitiæ literas, temporibus debitis eorum executoribus, seu iudicibus non presentatas, omnino revalidavit, & in statum pristinum, in quo videlicet antea fuerant, vel pro quibus erant obtentæ, quo ad hoc plenarie restituit, ac decrevit, per executores, seu iudices prædictos, vel ab eis subdelegandos ad expeditionem negotiorum in eis contentorum procedi posse, & debere, juxta illarum formam.

*Revalidatio literarum Prædecessoris gratiæ,
& iustitiæ infra annum concessarum.*

13. Item, rationabilibus suadentibus causis, ipse D. N. omnes uniones, annexiones, incorporationes, suppressiones, extinctiones, & dismembrationes, etiam perpetuas, de quibusvis Cathedralibus, necnon aliis Ecclesiis, eorumve domibus, prædiis, & locis, per cessum, vel decessum, aut quamvis aliam dimissionem, vel amissionem, qualiacumque fuerint, invicem, vel aliis Ecclesiis, Monasteriis, & Mensis etiam capitularibus, dignitatibus, personatibus, officiis, beneficiis, ac piis, & aliis locis, universitatibus, etiam studiorum generalium, & Collegiis etiam in in favorem Sanctæ Romanæ Ecclesiæ Cardinalium, seu Ecclesiis, Monasteriis, & beneficiis per eos obtentis, quomodolibet, Apostolica, vel alia quavis (non tamen Concilii Tridentini) auctoritate, necnon pro fundatione, seu donatione, augmento, vel conservatione Collegiorum, & aliorum piorum, & religiosorum locorum ad fidei Catholicæ defensionem, & propagationem, bonarumque artium cultum, institutorum factas, quæ suum non sint fortite effectum, ac quæcumque concessionis, & mandata super unionibus, annexionibus, incorporationibus, & aliis præmissis faciendis, revocavit, cassavit, & irritavit, nulliusque decrevit existere firmitatis. Nec alicui quascumque clausulas, vel adiectiones, aut decreta, quæ Sanctitas sua pro expressis haberi voluit, in quibusvis Apostolicis, etiam quæ Motu proprio, aut ex certa scientia, & consistorialiter processerunt, & emanarunt literis, etiam in eis decretum esset, illas ex tunc effectum sortitas esse, aut jus quæsitum fore quomodolibet contenta adversus revocationem, & irritationem hujusmodi, voluit aliquatenus suffragari.

Revocatio unionis.

14. Item revocavit quascumque facultates concessas quibusvis Patriarchis, Archiepiscopis, Episcopis, & aliis Prælatibus, & personis, necnon Apostolicæ Sedis Nuntiis, ac fructuum, & proventuum Camera Apostolicæ debitorum Collectoribus, de dispen-

Revocatio facultatum quibusvis concessarum.

14. Item revocavit quascumque facultates concessas quibusvis Patriarchis, Archiepiscopis, Episcopis, & aliis Prælatibus, & personis, necnon Apostolicæ Sedis Nuntiis, ac fructuum, & proventuum Camera Apostolicæ debitorum Collectoribus, de dispen-

fando cum quibusvis personis super matrimonio contracto, vel contrahendo in gradibus prohibito, ac natalium, & aetatis defectibus, & de incompatilibus beneficiis Ecclesiasticis in simul retinendis, necnon de Notariis publicis creandis, ac de disponendo quomodolibet de quibusvis beneficiis Ecclesiasticis, & aliis a praemissis officia ipsorum Nuntiorum, & Collectorum directe non concernentes, etiam si in literis desuper confectis sint clausulae restitutoria, & derogatoriarum derogatoria, & aliae efficaciores, quas pro expressis haberi voluit quoad omnia, in quibus facultates ipse non sunt sortita effectum, etiam si Nuntii eisdem, & dictae Sedis Legatis de latere competens sit concessa potestas. Decernens irritum, &c.

Revocatio facultatum conferendi beneficia reservata.

15. Item revocavit quascumque facultates, & literas desuper confectas, per quas quicumque sui Praedecessores Romani Pontifices quibusvis personis ordinariam collationem, seu aliam dispositionem beneficiorum Ecclesiasticorum, de iure, vel consuetudine habentibus, quavis etiam Patriarchali, Archiepiscopali, Episcopali, vel alia dignitate, vel alio, non tamen Cardinalatus honore fulgentibus, quavis consideratione, vel intuitu, etiam Motu proprio, & ex certa scientia, ac de Apostolica potestate plenitudine, cum quibusvis clausulis, etiam derogatoriis derogatoriis, ac irritantibus, & aliis decretis, quorum tenores haberi voluit pro expressis, concesserant, ut quamdiu viverent, vel suis Ecclesiis, seu Monasteriis praesentent, aut ad aliud tempus de beneficiis Ecclesiasticis generaliter referatis, seu affectis ad eorum collationem, provisionem, praesentationem, electionem, & quamvis aliam dispositionem communiter, vel divisim, spectantibus, disponere libere, & licite valerent, aut etiam ad id per eosdem Praedecessores Vicarii perpetui, vel ad tempus constituti forent, decernens irritum, & inane, &c.

De divisionibus numeralibus.

16. Item, ut in Apostolicis literis committendi crimen falsi per amplius tollatur occasio, voluit, & ordinavit, quod dictiones numerales, quae in dictis literis ante Nonas, Idus, & Kal. immediate poni consueverunt, per literas, & syllabas extense describantur, & illae ex praedictis literis, in quibus huiusmodi dictiones aliter scriptae fuerint, ad Bullariam nullatenus mittantur.

De concurrentibus in Data.

17. Item voluit, quod de concurrentibus in Data ejusdem diei super vacantibus, seu certo modo vacaturis beneficiis, illi quibus gratia Motu proprio conceduntur, ceteris simili modo gratias non habentibus aliis graduati graduati, aut inter gradua-

tos prius graduati, ac inter aequaliter graduatos prius graduati, necnon colorato titulo possessores non possessoribus, ac inter personas alias in Curia praesentes absentibus ab ea, ac inter praesentes non beneficiati beneficiati; & similiter inter absentes, ceteris paribus, oriundus non oriundo, & dioecesanus non dioecesano. In reliquis vero singulis, qui prius Apostolicas desuper literas eorum executoribus praesentaverint, aliis, in ipsorum, de quibus agi contigerit beneficiorum asequutione praeserantur.

De non tollendo jus quae situm.

18. Item, ne per varias, quae pro commissionibus, seu mandatis, & declarationibus habendis in causis, plerumque sunt suggestiones, iustitia postponatur, idem D. N. decrevit, & declaravit suae intentionis fore, quod deinceps per quamcumque signaturam, seu concessionem, aut gratiam, vel literas Apostolicas, pro commissionibus, seu mandatis, aut declarationibus huiusmodi, etiam si Motu proprio, ex certa scientia, ac etiam ante motam litem, a Sanctitate Sua emanaverint, vel de ejus mandato faciendas, nulli jus sibi quae situm quomodolibet tollatur.

Regula de viginti.

19. Item voluit, quod si quis in infirmitate constitutus resignaverit aliquod beneficium, sive simpliciter, sive ex causa permutationis, vel aliis dimiserit, aut illius commenda cesserit, seu ipsius beneficii unionis dissolutioni consenserit, etiam vigore supplicationis, dum esset sanus, signata, & postea infra viginti dies a die per ipsum resignantem praestandi consensus, computandos, de ipsa infirmitate decesserit, & ipsum beneficium quavis auctoritate conferatur per resignationem sic factam, collatio huiusmodi sit nulla: ipsumque beneficium nihilominus per obitum censetur vacare.

De Idiote.

20. Item voluit, quod si contingat, ipsum alicui personae de Parochiali Ecclesia, vel quovis alio beneficio exercitium curae animarum Parochianorum quomodolibet habente, providere, nisi ipsa persona intelligat, & intelligibiliter loqui sciat idioma loci, ubi Ecclesia, vel beneficium huiusmodi consistit, provisio, seu mandatum, & gratia desuper, quo ad Parochialem Ecclesiam, vel beneficium huiusmodi, nullius sint roboris, vel momenti.

De non impetrando beneficium per obitum viventium.

21. Item si quis supplicaverit sibi de beneficio quocumque tamquam per obitum alicujus, licet tunc viventis, vacante provideri, & postea per obitum ejus vacet provisio, & quavis dispositio, dicto supplicanti, per

per obitum huiusmodi, denuo facienda nullius sit roboris, vel momenti.

De unionibus, & unionum confirmatione.

22. Item voluit, quod petentes beneficium Ecclesiasticum aliis uniri, teneantur exprimere verum annum valorem secundum communem estimationem tam beneficii unijendi, quam illius, cui uniri petitur, alioquin unio non valeat, & semper in unionibus commissio fiat ad partes, vocatis quorum interest, & idem voluit observari in quibusvis supplicationibus, perpetuis concessionibus, dismembrationibus, & applicationibus, etiam de quibuscumque fructibus, & bonis Ecclesiasticis, ac etiam in confirmationibus unionum, singularumque dispositionum huiusmodi.

De Mendicantibus transferendis.

23. Item de Mendicantibus transferendis, qui ad alios Ordines transferuntur pro tempore, Constitutionem fel. rec. Martini Papae V. Praedecessoris sui desuper factam, & in libro Cancellariae Apostolicae descriptam, quae incipit: *Viam ambitiosa cupiditatis*, &c. firmiter observari.

De male promotis.

24. Item de Clericis extra tempora a jure statuta, sive ante aetatem legitimam, aut absque dimissoriis literis ad sacros Ordines se promoveri facientibus pro tempore, etiam voluit Constitutionem pie mem. Pii Secundi similiter Praedecessoris desuper editam in dicto Cancellariae Apostolicae libro descriptam, quae incipit: *Cum ex sacrorum ordinum*, &c., pari modo observari.

De Moneta.

25. Item, declaravit idem D. N. quod libra Turonensium parvorum, & forensis auri de Camera, pro aequali valore in concurrentibus literas, & Camera Apostolicam, computari, & aestimari debeant.

De beneficiis vacaturis per promotionem ad Ecclesias, & Monasteria.

26. Item, praedictus D. N. Papa voluit, decrevit, & ordinavit, quod quaecumque concessionem, gratiam, & mandata, etiam Motu proprio, & cum derogatione huius constitutionis, quae ab eo pro quibusvis personis emanaverint, de providendo ei de quibusvis beneficiis vacaturis per promotionem quorumcumque ad Ecclesias, & Monasteriorum regimina, si huiusmodi concessionem, & mandata diem promotionis promovendorum ipsorum praeserint: necnon quaecumque collationes, provisiones, & dispositiones pro tempore faciende de praemissis, ac quibusvis aliis beneficiis Ecclesiasticis, secularibus, & regularibus,

quae per promovendos, vel assumendos ad quascumque Praelaturas inter illarum vacationis, & huiusmodi promotionis, vel assumptionis tempora simpliciter, vel ex causa permutationis ubicumque resignari, vel alias dimitti contigerit, cum inde sequutis pro tempore, sint castae, & irritae, nulliusque roboris, vel momenti.

De non Judicando juxta formam supplicationum, sed literarum expeditarum.

27. Item, cum ante confessionem literarum gratia Apostolica sit informis, voluit, statuit, & ordinavit idem D. N. quod Iudices in Romana Curia, & extra eam pro tempore existentes, etiam si sint Sanctae Romanae Ecclesiae Cardinales, causarum Palatii Apostolici Auditores, vel quicumque alii, non juxta supplicationum signaturam super quibusvis impetrationibus, (nisi in dicta Curia dumtaxat sint commissiones, iustitiam concernentes, per Placet, vel per Sanctae Romanae Ecclesiae Vice-Cancellarium, juxta facultatem super hoc sibi concessam signata) sed juxta literarum super eisdem impetrationibus, & concessionibus confectarum tenores, & formas, judicare debeant. Decernens irritum &c. Et si litera ipsa per praecuriam, vel alias minus bene expeditae reperiantur, ad illorum, quorum interest, instantiam, ad Apostolicam Cancellariam remitti poterunt, per ejus Officiales, quibus huiusmodi tenores, & formas restringere convenit, ad formas debitas reducenda.

De Regulis Cancellariae producendis.

28. Item, attendens D. N. Papa, quod super habendis de Cancellaria Apostolica, Regulis, & Constitutionibus inibi descriptis, faciliter per eos, qui in Romana Curia indigerint, ad ipsam Cancellariam recursum dirigi potest, nec consultum foret, quod super earundem Regularum, & Constitutionum (quae juxta veritatem concurrentium causarum, & negotiorum aliquoties immutari convenit) probando tenore, vel effectu, testium plerumque tenacem, desuper memoriam non habentium dispositionibus stari deberet, voluit, statuit, & ordinavit, quod deinceps quilibet ex Auditoribus Causarum Palatii Apostolici, & aliis (etiam si Sanctae Romanae Ecclesiae sint Cardinales) in ipsa Curia pro tempore deputatis auctoritate apostolica iudicibus, etiam in causis actu pendentibus, super huiusmodi tenore, vel effectu probando dumtaxat stet, fidemque adhibeat cedula, seu scripturae desuper a duobus majoris Praesidentiae, quod danda sit a tergo signata, & etiam a duobus aliis Literarum Apostolicarum Abbreviatoribus in ipsa Cancellaria auscultata, & Vice-Cancellarii, seu dictam Cancellariam Regentis manu subscripta, ut moris est. Quidquid autem fecus fieri contigerit, nullius sit roboris, vel momenti.

29. Item, D. N. cupiens litium succedere anfractus, & ne novi colligantibus adversarii dentur, providere, voluit, statuit, & ordinavit, quod quoties deinceps aliquem super quovis beneficio Ecclesiastico colligantem in jure, vel ad jus, si quod forsitan ejus adversario in dicto beneficio competierit, subrogari concesserit (dummodo prædictus colligans in dicto beneficio intrusus non fuerit, nec super eo contra dictum adversarium, postquam illud per triennium pacifice possederit, his tunc mota fuerit) aliorum quorumlibet de præmissis jure, sive tunc vacet, vel cum vacaverit, impetrationes, vel concessionem etiam motu proprio, infra mensem ante concessionem hujusmodi factæ, nullius sint roboris, vel momenti. Et nihilominus cupiens eorum fraudibus obviare, qui viventium beneficia illorum præferunt, quibus, aut propter senium, aut propter infirmitatem, immineret vitæ periculum, impetrant, ut illis decedentibus, tamquam colligantes in eorum juribus facilius subrogentur, voluit, ut deinceps nullus in jure, vel ad jus in beneficio defuncti, quod illo vivente in casibus præmissis, vel in similibus impetraverit, aliquo modo subrogetur, ac subrogatio, vel gratia, si neutri, si nulli, seu novæ provisionis, aut perinde valere, taliter impetranti nullatenus suffragetur. Quod etiam strictissime observari mandavit in impetrationibus beneficiorum per privationem, & amotionem ex quibusvis criminibus, & excessibus forsitan perpetratis, etiam si usque ad definitivam sententiam, quæ tamen in rem non transierit judicatam, processum foret.

De verisimili notitia.

30. Item voluit, & ordinavit, quod omnes gratiæ, quas de quibusvis beneficiis Ecclesiasticis, cum cura, vel sine cura, secularibus, vel regularibus per obitum quorumcumque personarum vacantibus in antea fecerit, nullius roboris, vel momenti sint, nisi post obitum, & ante datam gratiarum hujusmodi tantum tempus affluerit, quod interim vacationes ipsæ de locis, in quibus personæ prædictæ decesserint, ad notitiam ejusdem D. N. verisimiliter pervenisse.

Non valeant commissiones causarum, nisi in literis expeditis.

31. Item, quod omnes, & singulæ commissiones causarum, quas in antea fieri contigerit, obtentæ, vel occasione concessionum dumtaxat Apostolicarum de beneficiis Ecclesiasticis gratiarum, super quibus Litteræ Apostolicæ confectæ non fuerint, ac processus desuper habendi, nullius sint roboris, vel momenti.

32. Item voluit, quod impetrans beneficium vacans per obitum familiaris alicujus Cardinalis, teneatur exprimere nomen, & titulum ipsius Cardinalis, & si ille in Curia fuerit, ejus ad id accedat assensus, alias desuper gratia sit nulla. Et idem servari voluit, si Cardinales quomodolibet, ab ipsa Curia absentes, & ubilibet etiam in locis infra duas dietas vicinis degentes, familiarumque, & lares in eadem Curia retinentes, ab ipsa Curia recesserint ad eandem illico reverturi, & infra decem, vel ad summum quindecim dies vere, & personaliter reversi fuerint, ita quod Cardinalibus aliis quam, ut præfertur, ex quacumque causa quantumlibet necessaria, ac qualibet alia hic necessario exprimenda absentibus, facultas præstandi consensum hujusmodi non competat, sed beneficia hujusmodi ad liberam Sanctitatis Sux, & Sedis Apostolicæ provisionem, & dispositionem, pertinent. Declarans Regulas, & Constitutiones suorum Prædecessorum, etiam a die earum editionis, & publicationis super assensu hujusmodi præstando, sic intellectas, & intelligentas fuisse, irritumque &c. attentari decernens. Quodque si prædicti familiares esse desierint, seu ad aliorum Cardinalium familiaritatem similem transferint, quoad beneficia, quæ familiaritate priori durante obtinuerint, & in quibus, vel ad quæ, priori ipsa familiaritate durante jus eis competierit; Cardinales, quorum prius familiares fuerint, suum habeant adhibere consensum. Declarans præsentem Constitutionem locum non habere in illis beneficiis, quæ familiares ipsi tempore obitus eorum, in dicta Curia, vel extra eam obtinerent, aut antea obtinuerint, & ratione officiorum, per eos obtentorum dictæ dispositioni generaliter reservata, vel affecta fuisse apparent. Necnon illos, quoad effectum dictæ Constitutionis familiares eorumdem Cardinalium censeri, qui ipsorum Cardinalium familiares continui commensales ad minus per quatuor menses etiam ante Cardinalatû fuisse probarentur. Decernens irritum &c.

Super eadem familiaritate.

33. Item, idem D. N. ad evitandas lites, & contentiones, quæ ex præcedenti sua Constitutione exoriri possent, vestigiis Prædecessorum suorum inhaerendo, voluit, statuit, & ordinavit, quod si beneficia, quæ per obitum familiarium continuorum commensalium eorumdem Cardinalium in futurum vacabunt, cessantibus Apostolicis reservationibus, ad alterius Cardinalis collationem, vel aliam dispositionem pertinere deberent, in dicta præcedenti Constitutione non comprehendantur, quoad hoc, ut in provisionibus talium beneficiorum, super expeditione litterarum illius Cardinalis, cujus familiaris defunctus ille extitit, consensus requiri debeat, sed beneficia hujusmodi

modi ad collationem, seu quamvis dispositionem Cardinalis ordinarii collatoris, ut præfertur, libere spectare censeantur. Et si apud Sedem Apostolicam beneficia hujusmodi per obitum dictorum familiarium vacaverint, tunc in provisione talium beneficiorum, super expeditione litterarum, illius Cardinalis exigatur consensus, si in Romana Curia præsens fuerit, ad quem eorumdem collatio, & dispositio, ut præfertur, pertinere deberet.

Signatura per Fiat præferatur alteri per concessum.

34. Item voluit D. N., quod concurrentibus eadem die super quocumque beneficio, per Fiat, & concessum signaturis ex eis per Fiat, etiam ut petitur, habens, alteri per concessum, etiam motu proprio habenti præferatur, etiam si in illa per concessum prægnantiores, & quantumlibet privilegiativæ essent clausulæ.

De Annali possessore.

35. Item, Sanctissimus Dominus Noster, ut improbi lites exquirentium motus reprimantur, voluit, statuit, & ordinavit, quod quicumque beneficium Ecclesiasticum tunc per annum immediate præcedentem pacifice possessum, & quod certo modo vacare prætenditur, deinceps impetraverit; nomen, gradum, & nobilitatem possessoris ejusdem, & quotannis ipse illud possederit, ac specificam, & determinatam, ex qua clare poterit constare, quod nullum, ipsi possessori in dicto beneficio jus competat, causam in hujusmodi impetratione exprimere, & infra sex menses ipsum possessorem ad iudicium evocari facere; causamque ex tunc desuper infra annum usque ad sententiam definitivam inclusive prosequi debeat, & teneatur, alioquin impetratio prædicta, & quæcumque inde sequuta nullius existant firmitatis, & idem impetrans de damnis, & interesse possessorem præfactum propterea contingentibus ei satisfacere, & si possessorem ipsum injuste, frivole, & indebite molestasse reperitus extiterit, quinquaginta florenos auri persolvere Camera Apostolica sit adstrictus. Nec alius, quam præmissæ vacationis modus, etiam per literas, si neutri, aut subrogationis, aut alias sibi quoad hoc, ut beneficium hujusmodi ea vice consequi, aut obtinere valeat, quomodolibet suffragetur, illudque nullatenus in antea litigiosum propterea censetur. Quod etiam extendi voluit ad impetrantes beneficia Ecclesiastica cujuscumque qualitatis, per privationem, & amotionem, vel alias propter commissæ, excessus, & crimina, vacantia, vel vacatura, & similiter ad impetrantes beneficia tamquam vacantia per devolutionem.

36. Item statuit, & ordinavit idem Dominus Noster, quod si quis quæcumque beneficia Ecclesiastica, qualiacumque sint, absque simoniaco ingressu, ex quovis titulo, apostolica, vel ordinaria collatione, aut electione, & electionis hujusmodi confirmatione, seu præsentatione, & institutione illorum, ad quos beneficiorum hujusmodi collatio, provisio, electio, & præsentatio, seu quævis alia dispositio pertinet, per triennium pacifice possederit (dummodo in beneficiis hujusmodi, si dispositioni apostolicæ ex reservatione generali in corpore juris clausa reservata fuerint, se non intruserit) super eisdem beneficiis taliter possessis molestari nequeat, necnon impetrationes quaslibet de beneficiis ipsis sic possessis factis, irritas, & inanes censeri debere, decrevit; antiquas lites super illis motas penitus extinguendo.

De non appellando ante sententiam definitivam.

37. Item, idem Dominus Noster, ut finis litibus celerius imponatur, & litigantium parcatur sumptibus, & expensis, suorum Prædecessorum Constitutionibus, & statutis inhaerendo, statuit, & ordinavit, quod in causis pendentibus, & quas impoterum contigerit agitari, nulli ante definitivam sententiam liceat appellare, nec appellatio, si fuerit emissa, debeat admitti, nisi ab interloquutoria, quæ vim habeat definitivæ; vel a gravamine minime concernente negotium principale, quod non possit per appellationem a definitiva sententia reparari. Nullaque causæ appellationum committantur, nisi in commissione exprimat, quod interloquutoria vim definitivæ habeat, vel gravamen sit tale, quod in appellatione a definitiva non valeat reparari. Alioquin, appellationes, & commissiones imposterum, & quicquid idem sequutum fuerit, nullius sint roboris, vel momenti; commissionibus appellationum jam iudicibus presentatis, & exhibitis, in suo robore permaneris, in quibus latis super eisdem sententiis, secundo, vel ulterius ab eis non liceat appellare; Appellantes vero, & appellationes, etiam ab interloquutoris, & gravaminibus hujusmodi, suo, vel alterius nomine prosequentes, si succubuerint, ultra expensas, & damna, ad quæ referenda de jure condemnatus compellitur, viginti florenorum auri poena mulctentur.

Non stetur commissioni post conclusionem.

38. Item statuit, & ordinavit, quod in commissionibus de justitia, seu mandatis etiam consistorialibus, per eum, seu de ejus mandato, vel auctoritate in causis, in quibus conclusum existat, imposterum concedendis, etiam si in eis de conclusione hujusmodi implicate, vel explicite, mentio facta fuerit, nihil censetur esse concessum, nisi

nisi per concessionem commissionis hujusmodi derogetur expresse.

De literis Religiosorum expediendis.

39. Item voluit, & ordinavit, quod si aliqui Religiosi petunt aliquod beneficium ad nutum amovibile cum clausula, quod exinde pro solo nutu Abbatis, vel Superioris amoveri non possint: literæ, quo ad ipsam clausulam, nullatenus expediantur, nisi idem D. N. ponat in signatura, quod non possit amoveri, vel ad partem clausulam ipsam concedat.

De clausula ponenda in literis permutationum beneficiorum.

40. Item, si committatur alicui beneficio resignationis receptio, ponatur clausula, attente quoque provideas &c., & si ex causa permutationis resignationes fiant, ponatur clausula: Quod neuter permutantium jus acquirat, nisi quilibet ipsorum jus habuerit in beneficio per ipsum resignato.

De supplendis defectibus.

41. Voluit, quod si petatur suppleri defectus in genere, nullatenus literæ desuper concedantur, nisi in petitione desuper hujusmodi defectus exprimentur, vel per Fiat, ut petitur, supplicatio signata fuerit.

De derogatione Jurispatronatus.

42. Item voluit, quod super quovis beneficio Ecclesiastico de jurispatronatus laicorum, non expediantur literæ, nisi ponatur expresse, quod tale beneficium tanto tempore vacavit, quod ejus collatio ad Sedem Apostolicam legitime est devoluta, vel quia tempus patronis laicis ad præsentandum a jure præfixum lapsum existat, aut ad id patronorum ipsorum accedat assensus. Et si per ipsum jurispatronatus hujusmodi derogari contigerit, jurispatronatus hujusmodi mentio dispositiva, ac specificæ, determinate, non autem conditionaliter fiat, si illud ad aliquem Regem, Ducem, Marchionem, vel alium Principem pertineat, & de hoc in literis provisionis, vel mandato de providendo de dicto beneficio, similis mentio facta non fuerit, non censeatur quomodolibet derogatum.

De Commendis.

43. Item voluit, quod nulli seculari de regulari, nec religioso de seculari beneficiis Commenda detur, nisi in signatura, per clausulam: Ad partem, super petitione Commendæ hujusmodi, de Commenda ipsa mentio fiat.

De reformationibus.

44. Item voluit, statuit, & ordinavit, quod super quibuscumque reformationibus

signatis super impetrationibus quorumcumque beneficiorum vacantium, vel certo modo vacaturorum, in quibus petitur, quod literæ super prima Data expediri possint, si ex hujusmodi expeditione sub tali Data, cuiquam videatur posse fieri præjudicium, literæ hujusmodi sub ipsa prima Data nullatenus expediantur, nisi reformationes hujusmodi per Fiat, sub prima Data signata fuerint.

De consensu in resignationibus, & pensionibus.

45. Item voluit, & ordinavit, quod super resignatione cujuscumque beneficii ecclesiastici, seu cessione juris in eo, quam in manibus suis, vel in Cancellaria Apostolica fieri contigerit; Apostolicæ literæ nullatenus expediantur, nisi resignans, vel cedens, si præsens in Romana Curia fuerit, personaliter, alioquin per procuratorem suum ad hoc ab eo specialiter constitutum, expeditioni hujusmodi in eadem Cancellaria expresse consenserit, & juraverit, ut moris est. Et ipsum resignantem, seu cedentem, plures super uno, & eodem beneficio, in favorem diversarum personarum successive, consentire contigerit, voluit Sanctitas Sua, quod primus consensus tenere debeat, & alii posteriores consensus, ac literæ illorum prætextu etiam sub priori Data expedite pro tempore, nullius sint roboris, vel momenti. Nec literæ reservationis, vel assignationis, etiam Motu proprio, cujusvis pensionis annuæ super alicujus beneficii fructibus expediri possint, nisi de consensu illius, qui pensionem persolvere tunc habebit.

De ingressu Religionis.

46. Item non dentur literæ super beneficiis vacaturis per ingressum Religionis, nisi ille præcesserit Datam desuper petitionis.

Non valeat impetratio facta per modum in Cancellaria exprimentum.

47. Item voluit, quod si petatur aliquod beneficium vacans per modum in Cancellaria Apostolica exprimentum, talis impetratio non valeat, nec literæ desuper expediantur.

De executione faciendâ.

48. Item voluit, statuit, & ordinavit, quod quotiescumque per signaturam suam, vel de ejus mandato factam, super exequentibus aliquibus cum adiectione proprii nominis, vel dignitatis cujusvis, Judex datur, literæ desuper expediantur cum expresse, quod idem Judex executionem faciat per se ipsum.

De dispensationibus in gradibus consanguinitatis.

49. Voluit, quod in literis dispensationum super aliquo gradu consanguinitatis, vel affinitatis, aut aliis prohibito, ponatur clausula: Si mulier rapta non fuerit. Et si scierit; ponatur clausula, addita in quaternio.

Super defectu nasolium.

50. Voluit, quod in dispensationibus super defectu natalium, quod possint succedere in bonis temporalibus, ponatur clausula; Quod non præjudicetur illis, ad quos successio bonorum ab intestato pertinere debet.

Super dispensationibus.

51. Item quod per quamcumque signaturam in quavis gratia, nullatenus dispensatio veniat, nisi dicta gratia totaliter effectum hujusmodi dispensationis concernat, vel aliis nihil conferat, ut operetur.

Nulli suffragetur dispensatio, nisi literis conficiis.

52. Item, cum concessionem super gratiis dispensationum quarumcumque quibusvis per ipsum D. N. concessarum, vel concedendarum, per regulas Cancellariæ Apostolicæ sint provide limitatæ, licet aliquando in petitionibus super hujusmodi concessionibus oblatis multa sint petita, ne quis talium concessionum prætextu, id dispensative tenere, aut facere præsumat, ad quod concessionem hujusmodi se non extendant; voluit idem D. N. quod nulla talis dispensatio cuiquam in iudicio, vel extra, suffragetur, antequam super ea literæ Apostolicæ sint confecta.

De clausulis ponendis in literis Indulgentiarum.

53. Item voluit, quod in literis indulgentiarum ponatur, quodsi Ecclesiæ, vel Cappellæ, vel aliis, aliqua Indulgentia fuerit per ipsum concessa, de qua inibi specialis mentio facta non sit, hujusmodi literæ sint nullæ.

De indulgentiis concessis Ad instar.

54. Item voluit idem D. N. quod literæ super Indulgentiis non expediantur Ad instar, nisi specificentur.

De exprimendo valorem beneficiorum in impetrationibus.

55. Item voluit, quod in gratiis, quas quibusvis personis de beneficiis vacantibus, seu certo modo vacaturis, fieri contigerit, illorum, & aliorum quorumcumque beneficiorum, quæ dictæ personæ tunc obtinerint, seu de quibus eis fuerit provisum, Ball. Rom. Tom. V. P. ar. V.

vel concessum, aut mandatum provideri, verus annuus valor per Marcas Argentis, aut Sterlingorum, vel libras Turonen, parvorum, seu Florenos auri, aut Ducatos, vel uncias auri, seu aliam monetam secundum communem estimationem exprimat, nisi personæ prædictæ beneficia, quæ obtinerint, aut in quibus, vel ad quæ eis competit, juxta ipsarum oblationes, aut aliis dimittere teneantur: Alioquin gratiæ prædictæ sint nullæ. Et idem servetur in gratiis, quas a Sanctitate Sua motu proprio emanare contigerit. Quoad beneficia tamen, de quibus per Sanctitatem Suam pro tempore providetur, seu provideri mandatur, aut aliis disponatur, ad literas, per quas pro tempore ad Ecclesiarum Patriarchalium, & Cathedralium, ac Monasteriorum regimina promotio conceditur, ut Monasteria, & alia Beneficia Ecclesiastica, secularia, & regularia per eos obtenta, & in quibus, & ad quæ jus competit, retinere possint.

De clausulis, & beneficiis vacantibus ponendis.

56. Voluit, & ordinavit, quod quando providet, seu mandat provideri alicui de beneficio Ecclesiastico vacante, tunc dari poterit clausulæ, si petantur; etiam si illud quovis modo, &c. seu per Constitutionem, Excecrabilis, vacet, ac specialiter reservatum, inter aliquos litigiosum sit, & ejus collatio devoluta fuerit, & si pro colligante, vel subrogationem, aut si neutri, vel si nulli, &c. petente, si tunc lis specificè exprimat. Nec detur aliqua generalis reservatio dispositiva, nisi desuper in concessione specialis, & expressa, ac pure, & non sub conditione, mentio fiat, & tunc reliquæ reservationes ibi contentæ veniant. Si vero tempore expeditionis inde literarum generalis reservatio hujusmodi probari non possit, aut in novis provisionibus, seu pro colligantibus, si neutri, vel si nulli, &c. sit expressum, quod ab aliquibus asseritur, illum, cujus beneficium conceditur, Collectorem, vel unicum Subcollectorem, Abbreviatorem, vel Familiarem, Notarium, aut dictæ Sedis Officialem fuisse, clausula ponatur, Etiam si dictum beneficium, ex eo quod talis Collector, vel unicus Subcollector, Abbreviator, vel Familiaris, Notarius, aut dictæ Sedis Officialis fuit, dispositioni Apostolicæ generaliter reservatum existat, dummodo non sit in eo alicui specialiter jus quæsitum. In reliquis vero nulla clausula detur, unde reservatio generalis elici possit, nisi desuper signatura per duplex Fiat signata sit, aut reservatio, vel aliis specialiter habeatur.

De expressione qualitatum beneficiorum in impetrationibus.

57. Item voluit, quod super beneficiis Ecclesiasticis, de qualitibus illorum, videlicet an dignitates, personatus, vel officia sint, eisque imminet cura animarum, & ad

ad illa consueverint qui per electionem assumi, mentio fiat, aliis gratia desuper facta sint nulla. Et si qualitates huiusmodi affirmative, vel conditionaliter non exprimantur, negativa expresse desuper fiat in beneficiis, quae tales qualitates, vel ex eis aliquas consueverint habere.

De beneficiis vacantibus per contractum Matrimonii.

58. Item, si reservetur beneficium per contractum Matrimonii, non dentur alii modi vacationum de futuro, nec censetur beneficium reservatum specialiter, vel affectum; nisi sequatur Matrimonium. Sed in beneficiis per promotionem, aut ingressum Religionis, vel assequutionem, vacaturis, ponatur clausula, etiam si non petatur. Cum beneficia huiusmodi praemissa, vel aliis quovis modo, &c. praeterquam per obitum obtinentis, vacare contigerit, etiam si vacent.

De clausulis ponendis in literis Religiosorum.

59. Item voluit, quod si petatur, aliquem in Religionem recipi, & sibi de quovis beneficio Ecclesiastico provideri, per simplicem Signaturam fiat. Recepto huiusmodi dumtaxat detur, adiecto, si petens idoneus sit, aut aliud canonicum non obstat; & exprimat, si certus numerus Regularium sit ibidem, cui etiam non derogetur, nisi expresse concedatur, & si numerus iste non existat, ponatur: Dummodo receptionis locus huiusmodi nimium propterea non gravetur, possintque exequutores provisionis huiusmodi, ad receptionem emissionis professionis, non expectato probationis anno, providere.

De translatione Religiosorum.

60. Item, si regularis petat sibi de beneficio ab aliquo Monasterio, vel regulari loco dependente, provideri, & appareat ex petitione huiusmodi, quod alterius Monasterii, vel loci religiosus, sit, licet ibi translatio non petatur, nihilominus illa veniat.

De clausula: Si est ista.

61. Item, quod in literis super beneficiis per Constitutionem *Execrabilis* vacantibus, ponatur clausula, Si ista est; similiter de quibuscumque narratis informationem facti requirentibus.

Petenti provideri de vacatura, dentur literae de vacanti.

62. Item, petenti sibi provideri de vacatura, dentur literae de vacanti prout impetranti.

Revocatio decimarum, & aliarum impositionum.

63. Item revocavit quascumque decimarum (non tamen nuper pro defensione Fidei Catholicae in Germania contra haereticos, & Imperii rebelles impostarum sub Datum Idibus Januarii anno quintodecimo Pontificatus ejusdem Pauli Praedecessoris) necnon subsidiorum vigesima, & aliorum onerum impositiones, quae a praedicto Paulo Quinto Praedecessore suo ex quavis causa, etiam in subsidium expeditionis contra Turcas, & orthodoxae fidei hostes, emanarunt; & quascumque facultates super decimarum, vigesima, & onerum huiusmodi exactione, quibusvis fructuum, & proventuum Camerae Apostolicae debitorum Collectoribus, & Apostolicae Sedis Nuntiis, ab eisdem Praedecessoribus concessas. Suspendit quoque ad Suae Sanctitatis, & Sedis Apostolicae beneplacitum, quascumque plenarias Indulgentias, ab eisdem Praedecessoribus ex quavis causa etiam expeditionis huiusmodi concessas, si quae per Nuntios, vel Quaeitores deferbantur, necnon deputandi, & eligendi Confessores, qui plenarie absolvant, & alia faciant ad earundem Indulgentiarum suspensionum effectum, reliquaque facultates ipsas Indulgentias quomodolibet concernentes, praeterquam quoad eas, in quibus Indulgentiae, & facultates in aliqua sui parte sint sortitae effectum, ita ut illis, qui implentes in iuncta eis in literis Indulgentiarum huiusmodi, jam consecuti sint facultatem eligendi Confessores, qui absolvant eos plenarie in mortis articulo, per huiusmodi suspensionem non praedictetur, quin facultate ipsa uti possint in futurum. Decrevit quoque irritum, & inane quicquid facultatum revocatarum earundem praetextu impostum contigerit attentari.

Revocatio facultatum percipiendi pretium Officiorum.

64. Item revocavit, cassavit, & annullavit, ac irritas declaravit quascumque facultates percipiendi pretium Officiorum Romanae Curiae pro tempore vacantium, in toto, vel in parte, in quavis concessionibus, & collationibus, aliisque dispositionibus per fel. record. Gregorium Decimumquartum Praedecessorem suum de dictis officiis, etiam ex die collatorum, concessionum, & dispositionum earundem in antea vacaturis, in favorem quarumcumque personarum, Ecclesiarum, Monasteriorum, Piorum locorum, Collegiorum, seu eorum mensurarum etiam perpetuo, etiam in vim contractus, & ex titulo oneroso, & sub alia quavis verborum forma, quam, & praemissorum tenores pro expressis haberi voluit, concessas, & factas, quoad Officia, quae post obitum ipsius Praedecessoris vacarunt, & impostum quomodolibet vacabunt. Item revocavit quoque, cassavit, & annullavit, ac irritas declaravit quascumque infestationes, investituras, gratias, concessioniones

quomodo etiam in emphyteusim ad tempus, seu in perpetuum, etiam Motu proprio, & de plenitudine potestatis, ac cum quibusvis derogatoriis derogatoriis (extra tamen Consistorium, & sine Sanctae Romanae Ecclesiae Cardinalium consilio, & consensu) a die constitutionis fel. record. Pii Papae Quinti Praedecessoris sui super prohibitione alienandi, & infeudandi Civitates, & loca Sanctae Romanae Ecclesiae sub Dat. Romae apud Sanctum Petrum, Anno Incarnationis Dominicae millesimo quingentesimo sexagesimo sexto, quarto Kalend. Aprilis, Pontificatus sui Anno secundo, usque in praesentem diem, per quoscumque Rom. Pont. suos Praedecessores, aut mandato, vel auctoritate eorum, quomodocumque, ac qualitercumque, & quovis colore factas, & concessas, de Civitatibus, Terris, Oppidis, Castris, Arcibus, & locis Sanctae Romanae Ecclesiae, & Sanctae Sedis Apostolicae, & tam mediate, quam immediate subjectis, tunc, videlicet de tempore dictarum infeudationum, investiturarum, gratiarum, & concessionum, nondum devolutis. Necnon quascumque derogationes, & extensiones quatumcumque infeudationum, investiturarum, gratiarum, & concessionum de dictis Civitatibus, Terris, Oppidis, Castris, Arcibus, & locis, tunc, videlicet de tempore dictarum derogationum, & extensionum, & extensionum non dum finitarum quibusvis personis cujuscumque gradus, status, & conditionis, ac praeminentiae, etiam Imperiali, Regali, Ducali, aut alia quavis praesulgeant dignitate, etiam in vim contractus, ex quocumque titulo, etiam oneroso, & per quascumque, tam sub plumbo, quam in forma Brevis sub Annulo Piscatoris, aut etiam aliis quomodocumque, & qualitercumque, expeditas literas, ac sub quavis verborum forma; quam, & praemissorum omnium tenores Sanctitas Suae pro expresse haberi voluit, latissime extendendos.

Quod fructus in Tertia parte augeri possint vigore clausulae.

65. Item, cum nonnulli in impetrationibus beneficiorum Ecclesiasticorum pro tempore vacantium, & certo modo vacaturorum, asserendo, illorum fructus, &c. certum per eos expressum annum valorem non excedere, nonnunquam obtineant a Sanctitate Suae, ut huiusmodi valorem annum augere possint, ut verius possint in confectione literarum super huiusmodi impetrationibus summa, aut valor annuus exprimaliter desuper non specificato, de veritate huiusmodi concessionis impostum haberi contingat, Declaravit, praetextu concessionis huiusmodi, valorem ipsum usque ad tertiam partem valoris expressi, & in prima, quae desuper fiet, literarum expeditione, dumtaxat augeri posse, & eas, quas literis jam expeditas cum expressione valoris specificati, aut non integro augmento praedicto, denuo super expediti contigerit

Bull. Rom. Tom. V. Par. V.

literas, cum aliquo augmento valoris huiusmodi nullius esse roboris, vel momenti, etiam si motu proprio beneficiales gratiae, & dispositiones quaecumque a Sanctitate Suae emanaverint.

De infordescensibus.

66. Item, ne personis, pro quibus literae Suae Sanctitatis emanabunt, ob generalem absolutionem a censuris Ecclesiasticis, quibus ligati forent, ad eorum effectum indifferenter concedi, & in literis Apostolicis apponi solita, praestetur occasio censuras ipsas vilipendendi, & infordescendi in illis, statuit, & ordinavit, huiusmodi absolutionem & clausulam in literis, quas in futurum cum illa concedi contingerit, non suffragari non parentibus rei iudicatae, incendiariis, violatoribus Ecclesiarum, falsificatoribus, & falsificari procurantibus literas, & supplicationes Apostolicas, & illis utentibus, receptatoribus, & fautoribus eorum, ac res vetitas ad infideles deferentibus, violatoribus Ecclesiasticae libertatis, via facti ausu temerario Apostolicis mandatis non obtemperantibus; & Nuntios, vel exequutores Apostolicae Sedis, & ejus Officiales, & ejus commissa exequentes, impediuntibus, qui propter praemissa, vel aliquid eorum excommunicati a iure, vel ab homine, per quatuor menses, scienter excommunicationis sententiam huiusmodi sustulerint; & generaliter quibuscumque aliis, qui censuris aliquibus, etiam alias, quam ut praefertur, quomodolibet ligati, in illis per annum continuam inforduerint.

Officiales nihil exigant ultra debitum.

67. Item, idem D. N. exactionibus, quas Sanctitas Suae, non sine dissimulata, plerumque fieri intellexit per Officiales Romanae Curiae, qui constituti sibi emolumentis pro exercitio Officiorum, quae obtinent, non contenti, ultra a prosequentibus negotiorum quorundam expeditionem in eadem, exigere non verentur, obviare volens, districte praecipiendo inhibuit omnibus, & singulis quavis Officia in eadem Curia obtinentibus, ne de cetero quocumque praetextu Officiorum, quae obtineant, quovis colore, etiam celerioris expeditionis, ultra emolumenta ejusmodi exigere, seu ad hunc effectum expeditionem eorum, quae eis incumbunt, malitiose differre, sub excommunicationis, & praeter illam, suspensionis a perceptione emolumentorum huiusmodi pro prima ad semestre, & pro secunda ad annum, & pro tertia vicibus, quibus sic excederent, privationis Officiorum per eos obtentorum, in quibus sic excederint, poenis. Ac voluit, quod Sanctae Romanae Ecclesiae Vice-Cancellarius, & Camerarius excedentes ipsos, respective prout eis subsunt, per subtractionem emolumentorum eorundem, ac alias, ut praefertur, compellant ab huiusmodi illicitis exactionibus abstinere, & contra eos per praedictas

X 2

poenas

poenas, alias, prout melius expedire vide-
rint, procedant.

*Reservatio beneficiorum vacantium Sede
Apostolica vacante.*

68. Item, SS. D. N. provide confide-
rans, consuevisse quandoque Romanos
Pontifices prædecessores suos beneficia,
quæ vacante Sede Apostolica vacare conti-
gerat, dispositioni suæ reservare, intendens
de beneficiis hujusmodi tam Conclavitis,
quam pauperibus Clericis, & aliis beneme-
ritis personis providere, omnia, & singu-
la beneficia per regulas Cancellariæ Apo-
stolicæ, aut quaslibet alias Apostolicas Con-
stitutiones temporales Romani Pontificis
pro tempore existentis dispositioni quomo-
dolibet, & ex quavis causa reservari solita,
quæ a die obitus fel. record. Gregorii XV.
prædecessoris sui usque ad diem supradictam
septimam Augusti vacaverunt, & de quib-
us per quoscumque Ordinarios Collatores
tunc dispositum non fuerat, suæ dispositio-
ni reservavit, decernens irritum, &c.

Revocatio indulgarum sup. ervi ventie.

69. Item, quia ad importunam non-
nullorum suggestionem quandoque contig-
it, Prædecessores suos Rom. Pontifices
pro tempore existentes, sub contractorum
debitum, vel diversis aliis prætextibus
concessisse, & indulgisse beneficiis, ut
fructus suorum beneficiorum, aut partem
eorum anticipatis solutionibus ad tempus
elocare, vel erga creditores aut quascum-
que alias personas obligare, vel hypotheca-
re, in solutum dare, aut alias quomodolibet
de eis disponere liceret ad tempus mi-
nime restrictum ad vitam supplicantium,
cum gravi successorum præjudicio, & Ec-
clesiarum detrimento. Ideo indemnitati
Ecclesiarum, & successorum in beneficiis
hujusmodi salubriter consulere volens, re-
vocavit, cassavit, & annullavit omnia,
& singula indulta, & facultates in ea par-
te, qua nondum vete, & realiter suum
sunt sortita effectum, per quoscumque Ro-
manos Pontifices Prædecessores suos hæte-
nus ad favorem quarumcumque persona-
rum concessas; quibus eis, vel eorum sin-
gulis ullo modo, & ex quavis causa, vel
prætextu permittitur, fructus certos, vel
incertos, jura, obventiones, & emolu-
menta quæcumque quorumlibet benefici-
orum per eos obtentorum anticipatis solu-
tionibus ultra unicum annum elocare, arren-
dare, ad firmam, vel responsionem con-
cedere, vel eos ad favorem quarumcum-
que personarum quomodolibet obligare,
vel hypothecare, in solutum dare, aut de
eis quomodolibet, & ex quavis causa dispo-
nere pro tempore ad vitam beneficiatorum,
& tempus, quo beneficia hujusmodi obti-
nerint minime restricto, coarctato, il-
lorum tenores, &c. decernens, &c.

*Quod Cardinales non comprehendantur sub
regulis faciendis.*

70. Item, cum S. R. E. Cardinales ipsi
SS. D. N. assistant, ac propterea debeant spe-
cialibus prærogativis, & privilegiis gaudere,
idem D. N. statuit, ordinavit, decre-
vit, & declaravit, quod in quibuscumque
Constitutionibus, & regulis per Sanctita-
tem Suam impostum post hanc primam
editionem, & suarum Constitutionum, &
regularum publicationem faciendis non
includantur ipsi Cardinales, nisi illæ eorum-
dem Cardinalium favorem concernant, vel
ipsæ Constitutiones edendæ de eorumdem
Cardinalium, vel majoris partis eorum,
consilio, editæ fuerint.

*De Potestate Reverendissimi D. Vice-cancel-
larii, & Cancellaria Regentis.*

71. Primo, quod possit committere
absolutionem illorum, qui ignoranter in
supplicationibus, vel in literis Apostolicis
aliquid scriberent, corrigerent, vel desere-
rent.

Item, quod possit corrigere nomina,
& cognomina personarum, non tamen eor-
um, quibus gratia, & concessiones fiunt,
ac beneficiorum, dum tamen de corpore
constet.

Item, quod possit omnes causas bene-
ficiales etiam non devolutas committere
in Curia, cum potestate citandi ad partes.

Item, quod processus apostolica au-
toritate decretos aggravare possit, cum in-
vocatione brachii sæcularis, & sententias
executioni demandari facere contra intru-
sos, & intrudendos per Literas Apostolicas
desuper coasciendas, & non alias.

Item, quod possit signare supplicatio-
nes, manibus duorum Referendariorum si-
gnatas, de beneficiis Ecclesiasticis facu-
laribus, & regularibus dispositioni apo-
stolica generaliter non reservatis, quorum
cujuslibet valor centum florenorum auri
de Camera, vel totidem in alia moneta se-
cundum communem estimationem valo-
rem annum non excedet.

Item quod possit signare supplicatio-
nes, etiam duorum Referendariorum
manibus signatas, de novis provisionibus,
si neutri, & subrogationibus pro colligati-
onibus, in quibus non detur clausula gene-
ralem reservationem importans.

Item, quod possit, ad Ordines susci-
piendos arctatis prorogare terminos de di-
ctis suscipiendis Ordinibus, usque ad proxi-
ma tunc a jure statuta tempora, in quibus
sic arctati successively ad ipsos Ordines pro-
moveantur.

Placet, publicentur, & describantur M.
Lectæ & publicata fuerunt suprascripta
regule & ordinationes, & Const. in Cancellaria
Apost. ab uno ex R. P. D. Majoris Præs-
identie Abbreviatoribus, Anno Incarnationis
Dominice 1623, die vero 21, mensis Octobris,
Pontificatus prælibati SS. D. N. Anno I.
Petrus Gentilis Procuros.

Indi-

X.

Indictio Orationis Quadraginta Horarum
ad divinum auxilium initio Pontificatus
pro saluti Catholica Ecclesiæ regimine
implorandum.

URBANUS PAPA VIII.

*Universis Christi fidelibus, ad quos præ-
sentes literæ pervenerint, salutem,
& Apostolicam benedictionem.*

Exordium, &
Causæ hujus
Constit.

Æternus rerum conditor, cujus judicia
abyssus multa, eo vel maxime imper-
perutabilis, ejus sapientiæ, atque inexhau-
stæ potentia thesaurus recludit, & manife-
stat, quod maximis in rebus, non fortiorum,
sed imbecillarum opera plerumque
uti non dedignatur. Quod quidem in Ca-
tholica Ecclesia administratione, quam in
hac temporum difficultate nullo nostrorum
suffragio meritorum, sed ejus misericordia
Nobis mandatam agnoscimus, tanto lu-
culentius apparet, quanto majora earum,
quibus circumdamur, insignitatum argu-
menta extare dignoscuntur. Hinc fit, ut
quemadmodum misericordiam Dei humil-
issime suscipimus, ita etiam trepide vereamur,
ne ingenti onere prægravati christiani
orbis necessitatibus Apostolica providen-
tia, ut par est, succurrere valeamus. Tan-
tæ rei cogitatione permotis illud Nobis
sapienter occurrit, beatum plane illum esse,
quem Deus ipse erudierit, ac ne facies nos-
træ confundantur, ad eum, ut illumine-
mur, accedendum esse.

Non indicit
Jubilæum de
more Præde-
cessorum, sed
aliter dispo-
nere tempus ha-
bita ratione.

§.1. Quoniam vero tanti Regis Maje-
statem tum propriis cujusque, tum etiam
aliorum orationibus adiri certum est; id ut
facilius assequi possemus, Romanorum Pon-
tificum prædecessorum nostrorum exempla
Nobis ob oculos proponentes, universis
Christi fidelibus Jubilæum de more indice-
re statuissemus, ut saluberrimis poeniten-
tia operibus orationes sociatæ, & rogati-
um merita cumulassent, & divina Nobis
largitatis munera uberius impetrassent. Ve-
rum habita temporis ratione, necnon aliis
æquissimis causis, ea qua decuit maturita-
te perpensis, aliam opportuniorem spiri-
tualibus, quibus urgemur, necessitatibus
consulendi rationem inire decrevimus.

Oracionem
XL. Horarum
feriis IV. &
VI., ac Sab-
bato in cer-
tis Urbis Eccl.
haberi decer-
nit.

§.2. Piam igitur Quadraginta horarum
Oracionem in Ecclesia Lateranensi, ac Prin-
cipis Apostolorum, & Sanctæ Mariæ Majo-
ris Basilicis, necnon in una seculari, & al-
tera regulari Ecclesiis cujuslibet regionis
Almæ Urbis nostræ, per dilectum filium
nostrum in eadem Urbe Vicarium in spi-
ritualibus generalem, extra vero dictam
Urbem in quibuslibet vicorum tam secu-
larium, quam regularium Ecclesiis ubilibet
existentibus per Ordinarios locorum proxi-
ma, vel altera subsequenti hebdomada post
præsentium notitiam respective designandis,
& quoad Ecclesias, & Basilicas Urbis præ-
dictæ Quarta, & Sexta Feriis, ac Sabbato

præsentis, & sequentis hebdomadæ; quo
vero ad Ecclesias extra Urbem diebus ab
eisdem Ordinariis pro utraque hebdomada
præscribendis, inchoandam, & semel pro
qualibet Ecclesia peragendam; tenore præ-
sentium indicimus, & instituimus; ad quas
quidem Ecclesiam Lateranensem, ac Basi-
licas Nos ipsi private accedere, eidemque
orationi interesse statuimus.

§.3. Et propterea, ut divinam opem ef-
ficacius impleremus, & simul effusis mul-
torum precibus, fructuosius exaudiamur;
omnes, & singulos utriusque sexus Christi
fideles ubique existentes euxe in Domino
hortamur, & paterna charitate monemus,
ut durante oratione prædicta, pias ad
Deum preces effundant, ut Ecclesiam suam
Sanctam tueatur, & protegat, hæreses in-
dique evellere, & extirpare, Fidem San-
ctam Catholicam augere, & propagare,
pacemque, & concordiam largiri dignetur;
Nobis vero vires tribuat, quibus susceptum
onus ad ejus nominis gloriam, fidelium-
que, & animæ nostræ salutem, administra-
re valeamus.

Ecclesiis illis
visis. quid
orandum sit
præscribit.

§.4. Quæ, ut eo libentius præstare stu-
deant, quo uberius spiritualibus muni-
eribus, & gratiis a nobis se refectos esse co-
gnoverint, de Omnipotentis Dei misericor-
dia, ac Beatorum Petri, & Pauli Aposto-
lorum ejus auctoritate consili, omnibus,
& singulis prædictis vere poenitentibus, &
confessis, ac sacra Communionem refectis,
qui quæcumque Ecclesiam, ubi oratio eju-
smodi indicta, & instituta fuerit, devote vi-
sitaverint, & ibi per aliquod temporis spa-
tium, prout unicuique suggeret devotio,
pias ad Deum, ut præfertur, preces effu-
derint; Monialibus vero poenitentibus,
& confessis, ac sacra Communionem refe-
ctis, quæ tempore orationis prædictæ, in
suorum Monasteriorum Ecclesiis similiter, ut
supra, oraverint, plenariam omnium pec-
catorum suorum indulgentiam, & remissi-
onem misericorditer in Domino con-
cedimus.

Confessis, ac
sacra Commu-
nitionem refe-
ctis, & visitantibus
d. Ecclesiam, &
ibi (ac etiam
Monialibus in
Ecclesiis propriis)
orandi-
bus indulgentiam
plenariam
impartitur.

§.5. Necnon eisdem fidelibus etiam
cujuscumque Ordinis, Congregationis,
& Instituti regularibus utriusque sexus fa-
cultatem impertimur eligendi sibi presby-
terum Confessarium tam secularem,
quam cujusvis Ordinis, & Instituti regula-
rem, ex approbatione Ordinarii locorum,
qui eos ab omnibus, & singulis peccatis,
criminibus, excessibus, & delictis, non
tamen a casibus contentis in literis, quæ
die Cœnæ Domini legi consueverunt, nec-
non violationis immunitatis, libertatis ec-
clesiasticæ, ac clausuræ Monasteriorum
Monialium, si videlicet sine necessaria,
& urgenti causa, ac sine Superiorum licen-
tia, vel etiam si causa, & licentia abuten-
tes, prædicta Monasteria ingressi fuerint,
necnon violentæ manus iniectionis in Cle-
ricum, ac singularis certaminis, sive ducti-
li, ac ab aliis etiam casibus tam a Nobis,
quam a præfato nostro in dicta Urbe Vicario,
& locorum Ordinariis respective re-
servatis, nec etiam a quavis excommuni-
catio-

Omnibus utri-
usque sexus
personis etiam
Regularibus
Confessarium
sibi posse eli-
gere concedit,
qui valeat ab
omnibus casibus
exceptis con-
tensis in Bul-
la Cœnæ Do-
mini, & hic
expressis, pro
hæc vice tan-
tum.